

RIJEČ UREDNIKA

Organizacioni odbor i urednik donose sve važne odluke u vezi s časopisom i vode računa o tome da se one ostvare. Ovaj časopis ima međunarodno uredništvo koje čini niz uglednih naučnika iz oblasti društvenih nauka i srodnih, odnosno dodirnih naučnih disciplina. Minimalni naučni nivo recenzenta je doktor nauka.

Časopis je već duži period indeksiran u tri svjetske baze upravo zbog kvalitete recenzijskog postupka kao i drugih relevantnih elemenata odabira kvalitetnih radova. Časopis će i u narednom periodu nastaviti sa istom uređivačkom politikom, a u skladu sa ostvarenim rezultatima i sa krajnjim ciljem proširenja u još veći broj referentnih baza.

Nastavljamo praksu povezivanja naučnih i stručnih radova, naših vjernih čitalaca, prijatelja i poštovaoca, kako bi se ovo zajedničko ulaganje u nauku isplatilo kroz jedan značajan pristup rješavanju naučnih problema i jasnih preporuka investiranja u nauci.

Časopis nam služi i kao jedan od oslonaca svog profesionalnog i naučnog razvoja i zbog toga sve sugestije, mišljenja i prijedloge prihvatamo u nadi za kvalitetnom budućom saradnjom. Vjerujem da će sadržaj ovog izdanja časopisa zadovoljiti interese čitalaca, a posebno onih koji se bave Ekonomijom i Menadžmentom.

Još jednom se zahvaljujem našim brojnim uglednim recenzentima koji su nam protekle godine posvetili veliki dio svog vremena i stoga im u svoje ime i u ime uredništva, najljepše zahvaljujem.

Glavni i odgovorni urednik
Fuad Bajraktarević